

Ordenung eines Erbaren Raths der
 Stadt Zwickaw / belangende den wol
 lenhandell vñ die wollen schawe / bey
 yhnen In der stad / gemeyner burger
 schafft vnd sonderlich dem handwer
 ge der Tuchmacher do selbst / zu gu
 ter erschiessung auffgericht /
 beschwerlichem auff
 satze vnd betrüegk
 hie durch
 fur zutrachten.





Vorrede.

In billichem behertigen vñ
ermessen des grossen vnd vi
elfeltigen nottklagens domitte die sam
lung (besorderst der arme vnd vnuor
mögende hauffe) Tuchmacher hand
wercks/bey vns Burgermeystern vnd Rade diser
Kurfürstlichen vnd Fürstlichen Stadt Zwickaw/lan
ger zeyt bis anhero gesucht vnd vns betlich Ermant
haben/mit anzeygung wie so vberschwencklich gros
vnd weyter vntreglich/sie von den furkauffern vnd
wolhendlern / Mit alleyne bedrenget/sonder auch dur
ch vnreyne / böse gemenckte / vnd thewre wollen/zu
gruntlichem verterb örer nahrungen/ vbersatzt vñ be
schwert zc. Seynt wir obgedachte Burgermeystere
vnd Radt bewegt vnd vor vrsacht / wurden / von
ampts vnd gemeynen nutztes wegen/eynsehen zuthun
vnd derhalben dise hirnach begriffene Ordnung ey
ner wollen schawe/mit zeytiger vñ guter furbetrach
tung/dennoch auch mit wissen volworte vnd vors
willigung der ganzen samnung des obberurten
handwercks (die alle zu gleych trewlich do vmb gebe
ten) bey vns In der Stadt Zwickaw auff zu richten/
weytern betrug / vnbillichen auffsatz vnd beschwe
rung der armen/ so viel möglichen vñ wie wir zuthun
schuldigh/ hie durch zuuor kommen. Neben deme wir
sonderlich bedacht das das tuch schauen mit so hohem
A ij ernste

ernste vnd vleyse / bey gedachtem handwercke bes
stalt sey / Nemblich durch sechs personen / eyne vom
Rade / vier geschworne meystere / vnd die sechste
person / von der samlung (welche alle mit schweren
eyden der wegen beladen) ierlich do zu verordent /
auff ore eyde vnd pflichte / die thuche der massen zu
schawen vñ zuberzeychenen / das eynyder tuch kauffer
an dem geschlagenem zeychen des tuchs (das sey eyn
sechs vnd sunffziger / sechs vnd vierziger / sechs od
der zwey vnd dreysziger) erkennen möge / was er an
dem tuche habe / vnd was er kaufft auff das ehr do
mitte vnbetrogen bleybe / vnd das also das wollen vñ
tuch schawen eynes beyneben dem andern nicht vnbil
lich gehe Welliche Ordnung wir fur vns vñ vnser
nachkommēde also vnuorbröchlich wollen gehalten /
vns aber dennoch damitte vorbehalten / haben /
die selbe zuuorandern / der abzunehmen odder aber
weyter zuzusetzen / wie wir mit der zeyt befinden / die
notturfft vnd gelegenheyt dises handels / ym furgang
erfordern / werde.

Von der salf vnd eydes beladung

der verordenten personen zu dem
wolschawen.

Erstlich sollen zu solcher wolschawen
sunff redliche personen durch vns den Radt ver
ordent vñ voreydet werdē / Sich vnserer Ordnung
In deme

In deme trewlich zuhalten/dem reychem als dem armen/
dem frömbden als eynwonern/gleych vnd gerecht zuseyn/
wie sie auff ore hochste gewissen erkennen wurden/
vnd solchs nicht nach zulassen / widder vmb liebe nach
vmb leyde / vmb gunst/ furderung / freunschafft/
seyntschafft/nach vmb keyner andern sachen willen/
also solle yhnen Gott helfen.

Von stadtvnd stelle zu der wol- schawen vorordenet.

Zu solcher wollen schaw sal der dritte boden auff dem newen kauff hause verordnet/
kammern zugericht / do eyn die wolle zulegen sey /
vnd ydem wolhender der selben kammern eyne vmb
eynen zimlichen zins dem Kadre ierlich dauon zurey-
chen eyngerhan / werden.

Wie es mit eynlegunge vñ vnterschey- dunge der wollen solle gehalten werden.

Und so eyn wolhender/wie ange-
zeyget/eyne kammer bey dem Kadre vorspre-
chen werde/sal er so denne alle seyne wollen / als er zu
sich brenge/die sey/eyn/odder zweyschörick oder aber
rauff wolle / fur allen dingen / yn die selbige kammer
zu legen vorpflicht seyn / welche wolle so denne zu be-
A ij stimpfen

stimpften tügen widderumb aus der kammer / vō den
vorordenten solle geschawet / Auch so es die notturffe
erfordere / die fleusche zur schawe auffgebunden werz
den / dem reychen als dem armen / dem frembden als
den eynwonern In solcher schaw sol die gutte vnd tu
chtige wolle / auff eynen hauffen / die andere welche
viltzigē / futterick / zu grob / schwedigt / stanz
berick / vngewaschen / odder der gleychen vngarbe
dinct / als mit schutling odder storbling / vormenget
befunden / auff eynen andren ort odder hauffen / ge
schuttet werden / vnterscheyd ym kauffe vnter guter
vnd böser wollen zu haben / der zuuersicht / die scheffer
vnd andere zu der zeyt der schüre / werden sich / was
nicht tugliche wolle genant wird / des eynzubinden
zu enthalten wissen.

Von schätzung der außge

schossenen oder bösen wollen.

NAch gehaltenen schaw soll die
ausgeschossene geringe odder böse wolle von
den verordenten schawern / eyn yde nach yhrem wer
de auff yhre eydes pflichte / geschätzt vnd gesagt / der
selben schätzung sich so denne der kauffer vnd verku
ffer / wie yhnen von dem verordenten schawern an
gesagt / vnwidder setzlich halten / sollen / darnach sich
auch beyde teyl / kauffer vnd verkauffer zurichten / vñ
ab die verordenten schawer sich der schätzung böser
odder

odder geringere wollen / durch eyn anderer nicht ver-
gleychen mochten / vnd zwispalt der wegen furfallen
wurde / fall doch yn alle wege der mehrer teyl vnter
yhnem / yn deme den furzug haben vnd behalten zc.

Die gute wolle aber sal dem wolhender
ler / frey stehē die selbe yn yhrem werde zuuerkauffen /
wie yme gelegē seyn wurde / also doch das yn dem ver-
kauffen / eyn mass / wie sich vnter Christen wol getzy-
me / gehalten / nicht eyn vbermesiger vnd vnchristli-
cher gewin do yme gesucht / vnd der Kadre one das
vorursacht / wurde / auff ansagen der verordente wols-
schawer odder aber des kauffers / do widder billich eyn
sehen zu haben / wie yhme auch der Kadre / ym falle
der notturff zuthun hie mitte zuuerhalten haben wil

Die versprochene gutte vnd bose
wolle nach der schawe eyn yde yhn yhrem
werde zugleych hynweg zu-
nehmen.

Item so eyn Tuchmacher bey ey-
nem wollenhender eyn anzahl / als zwentzig / drey-
sig vierzig / steyn wolle / weniger odder mehr / von
yhme zu kauffen / versprechen wurde / vnd die ges-
chworne wollenschawer wurde vnter cynem solchem
hauffen wolle / cynen steyn drey vier odder funffe zc.
befinden vñ aus schiesen / die do gering vñ böss were /
sol nichts deste weniger der kauffer solche wolle zu gley-
ch mitteynander /

chs miteynander/die böse aber nicht anders/ dann yn
yhem werde/nach deme vnd wie die von den verord
derten/ gesetzt odder aber geschätzt/ zubetzalen hyn
wegnehmen/ Somitte sich der vorkauffe nicht zu
beklagen/die gute wolle wurde vorkaufft/vnd die bö
se mußte er zu seynem nachteyl vnd schaden selbst be
halten.

Von der außgeschossenen gesetzten
wollen wie sich der wollen händler do
mit zu halten.

Wer sich aber der wollen händler vn
terstehen wolte/ der schätzung der außgeschosse
ner bosen oder geringen wollen nicht zuhalten/odder
aber sich yrgents/anderer wegen gegen dem kauffe
hie wider zu gebrauchen So sol er die gesetzte wolle/
an gesichts/ von dem haufs hynweg thun/vñ yme nis
cht gestattet werden/ die selbe wolle/ widderumb/ynn
die kammerzulegen / Er sal auch vbir das mit ernste
do hyn gewcyst vnd gehalten / werden / solche wolle
le widderumb aus der statt hynweg zufuren / odder
aber so er cyn meyster discs handwercks were/ die wol
le fur sich selbst zu vorarbeyten/ vnd keyner/ wege yn
der stadt zumorkauffen/auff das niemande weyter da
mitte betrogen werde.

Won straff der yeningen die sich
der verordenten satzung nicht haltē wurden.

Wurde

Werde sich aber eyn wollenhend
ler vñ Tuchmacher vnterstehen/ eynen heymli
chen oder öffentlichen kauff oder Contract/ vmb die
ausgeschossene wolle/ anders dan wie yhnen vō den
vorordenten wollen schwer angesaget/ vnd die wol
le geschätzt were/ zwuschen yhnen zugeschlossen/ das
geschöe vmb wenig odder viel/ vnd sie des vberkom
men 2c. Sol yn eynem solchem falle der vorkauff
funff gute schock dem Kadre/ so viel auch dem hand
werge/ der kauffer aber / halb so viel / vnnachleslich
zur straff geben.

**Von zu wegen kurtzer odder
lamp wollen.**

Item so eyn Tuchmacher von eyn
nem wollenhender wolle kauffen oder nemen wol
te Sal yme zu zehen steynen langer wolle/ nicht mehr
dan eyn steyn kurtze wollen/ zugewegē/ werdē/ do auff
die vorordentē schwer sonderlich achtung habē sollē/
Serhalben sal auch fur den wolkammern eyne wage
auff den boden hirtzu gehencēt/ die lampwolle domit
te vberschlagen/ auff das den armen meystern nicht
so viel kurtze wolle wie bis hero oftmals geschehen
zu getragen/ werde 2c.

So aber eyn wollehender an eynem hauffen eyn
nen steyn zwey odder drey hundert wollen so viel er
B der vortreyben

der vortreybē oder verkauffen mochte/ weniger oder
mehr zu sich vñ yn die Kamern/bringen/ vñ die lamp
wolle/do vnter befunden / nit erreychen wurde / yhe
zu zehen steynen/cynen steyn/wie obenberurt zuzuwe
gen/Sal dem wollen hendeler Keyner weg gestattet
werden/andere lamp/zweyschurige/odder aber/rauff
wollen/zu der vbrigen wollen/zu kauffen odder zubrin
gen Sondern er sol die selbe lange wolle/so viel der sel
ben/nach vnuorwegen/bey handen/ one alles weyter
zutragen cyniger Kortzer wollen / volgent gantz hyn
weg zuwegen vorpflicht seyn.

Alle die mit wollen handeln. sollen
yhre wollen zu der schaw bringen.

Item alle die wenigen wolhändler
vnd Tuchmacher welche wolle zuverkaufen die
sey cyn /odder zweyschürick/Kortz oder lang zc. Sollē
yhre wolle/wēne sie die yn die stadt hyreyn brengē/sur
allen dingen zu der schaw furrucken/ In die vororden
ten kamern legen/vnd schawen/lassen/Ehe dan sie
die wollen / welche sie fur sich selbst willens zubehal
ten/vnd zuuerarbeyten/ an haym yn yhre behausun
gen thuen schicken Sie wollen aber aus yhren behau
sunge zu der schaw zuschicken vnd darnach zuorkau
ffen/sall niemande gestattet werden zc.

**Die beste wolle auch auff dem lan
de nicht außzuschicken vnd vō straff der vbertreter.**
Item so

Idem so eyn Tuchmacher der mit
Wolle handelte/wolle auff dem lande/bey Edel-
leuten odder anders wohe kauffen / die beste wolle an
den selben adder andern örtern / auch außhalb der
stadt / vntersheyden wurde / die beste fur sich zube-
halten/die andere zur schaw zu brengen / vnd forder
zuverkauffen/Welcher des vberkommen/das gesche-
he vber lang odder kortze/Sall dem Radt funff gute
schock/dem handwerck auch so viel zur straff geben/
Sergleychen sall es auch der straff halben gehalten
werden/wohe eyn wolhender eynem ader mehr / seyn-
ner gutten freunden odder gönnern / die beste wolle
außerhalb der stadt / außzuschießen gestatten / vnd
die geringe hereyn führen wurde.

Ab ör zweene drey oder vier mit eyn
ander wolle kauffen vñ eyns teyls der wolle
widder verkauffen wolten

SErgebe es sich auch/das ör zween
drey odder mehr Tuchmacher vnd wolhend-
ler/wie viel mals geschehen / sich zu samme schlagen
vnd eynen hauffen wollen kauffen / die selbe eyns
teyls auch wider verkauffen/wolten/Sollen sie doch
nichts deste weniger die wollen aller zugleych fur al-
len dingen auff das kauffhaus zur schaw schicken die
wollen desselben / vnd nicht yn yhren heusern noch
anders wohe mit eynander teylen/Also auch sol keyn
B ij wolhender

wollenhender der alhir zu Zwickaw eyn burger sey/
yhne zu vorteyl vñ dem armen zu nachteyl/seyne wol
le aufferhalb der stadt erwo anders wohe / eyn/ oder
nyder legen / die schaw do durch zu vmbgehen/
odder aber zu entfliehen vñnd hyreyn yn die stadt zu
kauffen / seynen eygenen nutz do ynnen zusuchen/bey
vnmachlessiger straff die yhme der Stadt hiemitte auf
zulegen zuuorbehalten haben wil.

Die wolle auff den kleynen wol

merckten nicht auff zu kauffen.

Idem kleyn wolhender der eyn bür-
ger odder einwohner zu Zwickaw sey / sal wid-
der durch sich selbst / nach durch eynen andern / auff
den kleynen wollen merckten / als / zu Aldenburg /
Zeytz / Schmöllen / Born / Röthe / Hohennilsen /
Osterfelt / nach anderst wohe / die wolle auff kauffen /
sonder der bestimpten vñd andern örtern der kleynen
wollenmerckten den armen meystern die nicht bey od-
der auff grossen hauffen zu kauffen / raum lasen / bey
vnmachlessiger straff / zehen Keynischer gulden / dem
Kadre so oft vñd viel der hender an voranderten
stellen odder örtern / yn deme vbertreten haben /
befunden wurde.

Man wolledie vmb bargelt
odder auff borg vorkaufft wird.

Item

Item die weyl sich zwischen Chris-
sten keiner wege getziemen wolle auff/borck tew-
er dann umb bar gelt/vñ also die zeyt/zuvorkauffen/
So wird von vns dem Rade fur billich/christlich/
vnd gut/angesehen/das die wolle von den hendelern
auff den borck/nicht anders dann umb bar gelt solle
verkauft werden. Auch das den armen umb brü-
derlicher liebe willen/leydliche tagzeyten/yñ kauffe
gegeben vnd nachgelassen werde/vnd ab der tagzey-
ten halben zu strenge von dem wollhendlern gegen
den armen wolte gehandelt werden/Sollen die vors
ordenten schawer der wegen mass do ynnen zu suchen
vnd fur zu wenden/haben.

Von zeyt zu dem wolle schawen bestimpt.

Es sollen auch wöchlich zwene ta-
ge nemlich dinstag vnd freytag/zum wolschawen
hiemite bestimpt seyn/also/welcher wolhender/
kauffer/odder vorkauffer/wolle zu schawen lassen/zu
kauffen/odder aber zu vorkauffen/habe/sich da nach
wisse zu richten vnd der bestimpten zeyt zu halten.

Vonder belonunge der vor ordenten wollen schawern.


Item wir wollen auch hiemite
geordent/das die vorordenten wollenschawer
von cynem yden steyn wollen/cynen pfennig/vñ dem
kauffer vnd vorkauffer/von ydem teyl cynen heller
zu schawen

zu schawen sollen haben / vmb yhr muhe / arbeyt / vnd
vorsumnis / Vnd ob etwo der obbegrieffenen Artis
ckel haben / yrrung furfallen wurde / als ob die nicht
genugsam erklet seyn solten / So wollen wir
vns die selben so offte die notturfft
erfordert zuerkleren / vñ do
vber weysung zu
thun hie
mit auch fur bes
halten haben.

AKye 5810

n. 5.





B.I.G.

Farbkarte #13

Black 3/Color White Magenta Red Yellow Green Cyan Blue



(722751)

Ye 5810



ynes Erbarn Radts der
kaw/belangende den wol
n die wollen schawe / bey
erstad/gemeyner burger
nderlich dem handwer
macher do selbstem / zu gu
tessung auffgericht /
werlichem auff
e vnd betrüegk
hie durch
r zutrachten.

